


# Covid-19ari aurre eginez

## Azpisektore kaltetuenen artean 893.074 euro bideratu ditugu

Aldundiak, lehen sektoreari laguntzeko krisi plan bat jarri zuen abian, departamentuko partida ekonomikoak eta programak berregokituz, aurrekontu orokorrari murrizketarik gabe utsita, eta pandemiak eragindako beharrei erantzunez. Plan honek bi helburu nagusi zituen, jarduera ekonomikoari eta enpleguari eustea eta kalterik gehien jasan duten azpisektoreei laguntzea.

Bigarren helburuari dagokionez, Erreskate Planaren barruan, dirulaguntza zuzenak bideratu zaizkie azpisektore kaltetuenei: artzaintza, sagardoa, txakolina, nekazalturismoak, lore mozketak eta zezenketetan aritzen diren ustiatzeak, hain zuzen. Aldundiak **893.074 euro** banatu ditu laguntza hauetara eta 290 ustialeku izan dira onuradunak.



	ARDI ETA AHUNTZ AZIENDA	SAGARDOAREN ELABORAZIOA	TXAKOLINAREN ELABORAZIOA	LANDARE APAINGARRIAK	NEKAZARITZA-TURISMOA	GANADU ZUHARRA	GUZTIRA
<b>ZENBATEKOA (EURO)</b>	323.336	237.460	115.405	23.250	169.572	24.050	893.074
<b>NEURRIAREN %</b>	%36	%27	%13	%3	%19	%3	%100
<b>ONURADUNAK</b>	141	52	26	5	60	6	290

### Haciendo frente al Covid-19

La Diputación ha destinado 893.074 euros para ayudar a los subsectores más afectados y han sido, en total, 290 las explotaciones beneficiadas.

### Mahats-bilketarako sasoiko langileak kontratatuzeko laguntzak

Covid-19ak txakolinaren sektorean sortutako galerak direla eta, Aldundiak mahats-bilketarako laguntza bereziak atera ditu. Helburua da Getariako Txakolina Jatorrizko Izendapenean inskribatutako mahastizainek eta upategiek kontratatzean baldintza egokiak bete ahal izateko laguntzak ematea. Deialdi honetarako hasierako aurrekontua 100.000 eurokoa zen, baina eskaera kopurua dela eta 168.284 eurora igo da. 23 mahastigile izan dira eskaera egin dutenak eta bakoitzak lan egindako egun bakoitzeko 25 euroko laguntza jasoko du.



**Mariano Imaz**  
(Artzaina. Ataun)

**Eneko Goiburu**  
(Nekazalturismoa eta artzaina. Segura)

**Nere Lizeaga**  
(Sagardogilea. Donostia)

“Laguntzak beharrezkoak ditugu jasandako kalteak eragindako zuloak tapatzeko”

“Covid-19ak zuzenean eragin dio artzaintzari, izan ere, arkumeen salmenta garaian harrapatu gintuen eta prezioa izugarri jaitsi zen. Aurrera begira ere, kezka handia dugu, merkatuan ezegonkortasun handia baitago. Gipuzkoako Foru Aldundiaren laguntzak berandu datoz, baina beharrezkoak ditugu jasandako kalteak eragindako zuloak tapatzeko. Ni bezala urteak lanean daramatzagunok koltxoi bat egina dugu eta itxaron dezakegu, baina gazteen egoera benetan kezagarria da, inbertsioak egin dituzte eta bankuen ordainteki aurre egin behar baitiete”.

“Laguntza hauek behar-beharrezkoak ditugu, nahitaezkoak aurrera ateratzeko”

“Nekazalturismoaz gain Idiazabal Jatorri Izendapena duen gazta ekoizten dugu eta bi arloetan eragin zuzena izan du Covid19ak. Nekazalturismoen sektoreari dagokionez, aurten lau hilabete soilik lan egingo ditugula esan dezakegu eta horrek kalte handia eragin du, eta hori abuztuan ondo lan egin genuenik eta arnas pixka bat eman zigula. Ardiei dagokionez, egoera pertsonalagoa da, gure kasuan produkzio txikia dugu eta batez ere turistek saltzen diegu, aurten, ordea, jende gutxiago ibili denez gehiago kosta da saltzea. Gipuzkoako Foru Aldundiaren laguntzak behar-beharrezkoak ditugu, nahitaezkoak aurrera ateratzeko, izan ere, hileroko gastuei berdinduz aurre egin behar diegu. Bestela, landetxeen kasuan behintzat, itxi eta gehiago ez irekitzeko arriskua dago”.

“Idea eta aukera berriak garatzen ari gara begirada 2021ean jarriz, eta online salmentari ere ekin diogu”

“Enpresa askori bezala gogor eragin digu, batetik txotx garaia erdiz-erdi moztu zigulako eta bestetik ostalaritza geldirik egonda sagardo salmentak asko jaitsi direlako. Zuzeneko salmentak eta ditugun alimentazioko salmentak dira irteera bakarra gaur egun. Ahalik eta ondoena daramagu, Euskal sagardoa egitea bukatuta, gainerako lan horiek ondo egin eta aurrera begira gauzak ahalik eta ondoena planifikatzea da oraingo gure lana. Idea eta aukera berriak garatzen ari gara begirada 2021ean jarriz, eta online salmentari ere ekin diogu. Gipuzkoako Foru Aldundiarena bezalako laguntzak oso ondo etorri zaizkigu egoera zail honetan, momentuko estuasunetik lasaiago ateratzen laguntzen digute. Baina garrantzitsua berriz ere aktibitatea martxan jartzea da, lanerako gogoz gaude. Badakigu gure negozioak egokitu egin beharko ditugula, datorrena ez dela iragana bezalako izango. Sagardotegi bezala eta sektore bezala egoera berrira egokitzeko pausoak prestatzen ari gara”.